

اداره خانه سی باب عالی جاده سنده
۵۲ نومرولی « شرکت مرتبیه »
مطبعه سیدر.

—۵۵۸۱۶—

استانبول ایچون سنه لکی مطبعه دن
آلتق شرطیله ۴۰ طشره لره پوسته
اجرتیله برابر ۶۰ غروشدور.

مَعْلُومَات

امور تحریریه ایچون فؤاد بکه
وامور اداره ایچون آرتین افندی به
مراجعت اولنور.

—۵۵۸۱۶—

مسکمزه موافق آثار قبول اولنور.
درج اولغیان اوراق اعاده اولغماز.

نسخه سی ۱ غروش

بخشنامه کوندری نشر اولنور ادبی، فنی و صناعی غزردور

نسخه سی ۱ غروش



آن بآن افزایش بنمای استعداد کلمات اولان شودور پرتجلائی عرفانک یکی برسال فرخ فالنه داخل اولمقله مسروره
البال اولیوروز.

هجرت سنیه نبویه نیک اوج یوز اون ایکنجیسی اولان بو سنه خجسته نیک دخی ایام مسعدت پیام حضرت
پادشاهی به مقارنتله رشک آور اعصار اسلاف اولان دیگر سنه لر کبی نیجه ترقیاته جلوه کاه ظهور اولمه سی متمنای
جنان اخلاصمزدور.

خصائل علویه کلمات پروریلری ایله محبوب قلوب عالمیان اولان شهریار بدایع پرور ولی نعمت بی متمن افندمن
حضرتلرینک تحت عالی عثمانی به رونق دیکر ویردکاری روز دلارا، که صباح الخیر فلاح ونجات ومقدمه انواع سعادات
اولدینی ایچون نه قدر تقدیس ایدلسه احراردر، اوکوندن بری معارف عمومیه مزله سائر جهتلرجه هر هانکی سنه ایچنده
عیون آرای اتهاج اولان مأثر بدیعه کماله نظر اولنسه اولکی سنه به فائقتی مقیاس فرسا بردرجه ترقیده اولدینی
آکلاشیلیر.

بوماثر عالیله پرورده اوله رق میدان خادمته آیلان « معومات » سایه معرفتپیرایه ملوکانه ده مستفیضی اولدینی
انوار فیض نثار ترقیدن دولای حصه سنه دوشن وظیفه شکرکذارینک عرض وایفاسنه شو تجدد سال سعد اشتمالی
وسيله اتخاذ ایدر.

جناب فیاض حقیقی وجود عرفان نمودی بوملک ودولته محض نعمت اولان تاجدار فلاتون کردار افندمن
حضرتلرینی، شهرور واعوام تجدد ایله دکجه، شوکت افزای تحت سلطنت عثمانیان وقوم بختیار عثمانی بی سایه نشین امن
وامان بیورسون آمین.